

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**Mišljenje na Prijedlog odluke o mreži apoteka u Kantonu Sarajevo, kao i kriterijima,  
načinu i uslovima ugovaranja apoteka**

**Sarajevo,  
maj 2008. godine**



Broj: 01-01-26-001-103-II/07  
Sarajevo, 13. maja 2008. godine

Na osnovu člana 25. stav (2) Zakona o konkurenciji ("Službeni glasnik BiH", br. 48/05 i 76/07), a na zahtjev Kantona Sarajevo - Skupštine Kantona Sarajevo, Reisa Džemaludina Čauševića 1, 71000 Sarajevo, za davanje mišljenja na Prijedlog odluke o mreži apoteka u Kantonu Sarajevo, kao i kriterijima, načinu i uslovima ugovaranja apoteka, Konkurencijsko vijeće, na 67 (šezdesetsedmoj) sjednici održanoj dana 13. maja 2008. godine, je donijelo

### **MIŠLJENJE**

Prijedlog odluke o mreži apoteka u Kantonu Sarajevo, kao i kriterijima, načinu i uslovima ugovaranja apoteka nije usklađen s članom 4. stav (1) tačka c) i d) Zakona o konkurenciji.

### **O b r a z l o ž e n j e**

Konkurencijsko vijeće, dana 20. marta 2008. godine broj: 01-01-26-001-95-II/07, je donijelo Mišljenje na Prijedlog odluke o mreži apoteka u Kantonu Sarajevo, kao i kriterijima, načinu i uslovima ugovaranja apoteka (u daljem tekstu: Prijedlog odluka o mreži apoteka), dostavljen od Kantona Sarajevo - Skupštine Kantona Sarajevo, Reisa Džemaludina Čauševića 1, 71000 Sarajevo (u daljem tekstu: Skupština Kantona Sarajevo), kojim je utvrđeno da ista nije usklađena s članom 4. stav (1) tačka c) i d) Zakona o konkurenciji (u daljem tekstu: Zakon).

Na osnovu navedenoga Skupština Kantona Sarajevo je podnijela novi zahtjev Konkurencijskom vijeću za davanje mišljenja na novi Prijedlog odluke o mreži apoteka, zaprimljen dana 28. aprila 2008. godine pod brojem: 01-01-26-001-101-II/07.

Prema članu 4. stav (1) tačka c) Zakona o konkurenciji zabranjena je podjele tržišta ili izvora snabdijevanja, a članom 4. stav (1) tačka d) istoga Zakona zabranjena je primjena različitih uslova za identične djelatnosti prema drugim privrednim subjektima na tržištu dovodeći takve privredne subjekte u nepovoljan položaj u odnosu na konkurenciju.

Rješenjem Konkurencijskog vijeća, broj: 01-01-26-001-69-II/07 od dana 20. jula 2007. godine, u tački II dispozitiva, je utvrđena obaveza Skupštine Kantona Sarajevo da izmijeni Odluku o usvajanju Mreže farmaceutske djelatnost – apoteka u Kantonu Sarajevo (u vremenskom roku od 6 mjeseci) na način da se omogući svim apotekama, koje imaju rješenje Ministarstva zdravstva Kantona Sarajevo (u daljem tekstu: Ministarstvo zdravstva) za obavljanje farmaceutske djelatnosti, izdavanje lijekova na recept osiguranim osobama, na teret novčanih sredstava Zavoda zdravstvenog osiguranja Kantona Sarajevo (u daljem tekstu: Zavod).

U smislu navedenog, odredbe Prijedloga odluke o mreži apoteka ne mogu sprečavati, ograničavati ili narušavati tržišnu konkurenciju (član 4. stav (1) tačka c) i d) Zakona o konkurenciji), te moraju osigurati svakoj apoteka koja ima Rješenje za obavljanje farmaceutske djelatnosti izdano od Ministarstva zdravstva Vlade Kantona Sarajevo

zaključivanje ugovora za izdavanje lijekova na recept osiguranim osobama na teret novčanih sredstava Zavoda, bez obzira da li je neka apoteka u Mreži ili van iste.

Konkurencijsko vijeće je utvrdilo da član 10. stav (1) Prijedloga odluke o mreži apoteka nije usklađen s članom 4. stav (1) tačka c) i d) Zakona o konkurenciji i nije uključio prijedlog Konkurencijskog vijeća iz ranije dostavljenog Mišljenja, od dana 20. marta 2008. godine, kojim se osigurava svim apotekama koje imaju rješenje Ministarstva zdravstva zaključivanje ugovora za izdavanje lijekova na recept osiguranim osobama na teret novčanih sredstava Zavoda.

Konkurencijsko vijeće naglašava da zaključivanje predmetnog ugovora sa Zavodom treba biti isključivo slobodna poslovna odluka svake apoteke, budući da su dobijanjem rješenja od Ministarstva zdravstva ispunile uslove u pogledu prostora, opreme i stručnih kadrova za djelovanje u prometu s lijekovima i farmaceutskim proizvodima.

Nadalje, Konkurencijsko vijeće smatra da provođenje procedure javnog oglasa (član 10. stav (1) Prijedloga odluke o mreži apoteka) i primjena Naredbe o standardima i normativima zdravstvene zaštite iz obaveznog zdravstvenog osiguranja u pogledu apotekačke djelatnosti (član 10. stav (2) Prijedloga odluke o mreži apoteka) za zaključivanje ugovora apoteka sa Zavodom, nameću dodatna ograničenja i novi uslov za apoteke koje već imaju rješenje Ministarstva zdravstva.

Konkurencijsko vijeće smatra da se u Prijedlogu odluke o mreži apoteka može utvrditi da nadležna institucija (Zavod) provodi proceduru javnog oglasa za popunu Mreže apoteka, i primjenjuje Naredbu o standardima i normativima zdravstvene zaštite iz obaveznog zdravstvenog osiguranja u pogledu apotekačke djelatnosti, ali na način da apoteke koje se ne žele prijaviti na javni oglas odnosno ne žele ući u Mrežu apoteka mogu zaključiti ugovor (sa zavodom) za izdavanje lijekova na recept osiguranim osobama na teret novčanih sredstava Zavoda.

Potrebno je Konkurencijskom vijeću dostaviti konačan Prijedlog odluke o mreži usklađen sa odredbama Zakona o konkurenciji.

**Predsjednik**

**Ibrica Lakišić**